

REVISTA SITUASAUN – JUÑU 2016

ASUNTU NE'EBÉ PRESIZA TAU ATENSAUN

- ▶ **Númeru Insidente Aas Akontese iha Munisipiu Dili iha fulan Juñu, inklui Insidente 5 Liga ho Uza Rama Ambon;**
- ▶ **Insidente Violénsia 11 Envolve Estudante Sira no Insidente 5 Liga ho Grupu Arte Marsiál.**

NÚMERU INSIDENTE AAS AKONTESE IHA MUNISIPIU DILI IHA FULAN JUÑU, INKLUI INSIDENTE 5 LIGA HO UZA RAMA AMBON

Belun ho nia Sistema Atensaun no Responde Sedu (AtReS) iha fulan Juñu 2016 rekolla insidente violénsia hamutuk 131 no husi númeru ne'e, insidente 51 akontese iha Munisipiu Dili. Númeru ida ne'e kuaze hanesan ho númeru insidente ne'ebé akontese iha fulan Juñu 2015, ne'ebé rejista insidente 54 husi total insidente 119. Durante tinan 2 nia laran, insidente violénsia ne'ebé akontese iha Dili sa'e iha fulan Juñu no iha tinan 2015 númeru insidente ne'e konsidera aas liu hotu kompara ho fulan sira seluk.

Tipu insidente violénsia 51 ne'ebé akontese iha Munisipiu Dili iha fulan Juñu 2016 mak hanesan, insidente envolve juventude, asaltu husi ema deskoñesidu, insidente liga ho estudante, insidente envolve eis-grupu arte marsiál, insidente liga ba atuasaun membru PNTL no seluk tan.

Iha Munisipiu Dili, rejista mós insidente violénsia sériu 5 ne'ebé ema deskoñesidu halo asaltu ho uza rama ambon hodi hana ema. Husi insidente hirak ne'e, 1 akontese iha Aldeia 4 Setembru, Suku Comoro ne'ebé ema deskoñesidu hana joven mane na'in 2 ne'ebé dudu hela karreta, hodi rezulta kanek grave iha sira nia kotuk laran; insidente 1 seluk mak ema deskoñesidu hana joven ida iha Lecedor (Ediffisiu SEJD nia oin) ne'ebé rezulta joven ne'e kanek grave iha ulun (kanuruk); insidente 1 tan akontese iha Aldeia Metin 1 (Bebonuk) ne'ebé rezulta joven ida kanek grave iha kotuk laran; enkuantu insidente 2 seluk ida-idak akontese iha Aldeia Metin 2 (Bebonuk) ne'ebé rezulta kanek grave iha kotuk laran no ikus akontese iha Area Hudi-laran, Suku Bairro-Pite ne'ebé Ema deskoñesidu hana joven ida no rezulta kanek todan iha nia kotuk laran.

INSIDENTE VIOLÉNSIA 11 ENVOLVE ESTUDANTE SIRA NO INSIDENTE 5 LIGA HO GRUPU ARTE MARSIAL

Sistema AtReS iha fulan Juñu 2016 mós rekolla insidente violénsia hamutuk 11 ne'ebé envolve estudante sira. Husi insidente 11 ne'e, insidente 10 akontese iha area eskola no insidente 1 de'it mak akontese iha estrada, maibé envolve estudante sira hodi tuda ema nia uma. Insidente 11 ne'ebé envolve estudante mak hanesan, insidente 6 akontese iha Munisipiu Dili no seluk ida-ida akontese iha Munisipiu Aileu, Covalima, Ermera, Manufahi no Rejiaun Administrativa Espesiál Oekusi-Ambenu.

Entre insidente violénsia 11 ne'ebé envolve estudante sira, rejista mós insidente 5 mak iha ligasaun ho eis-grupu arte marsiál ne'ebé governu taka tiha ona. Husi insidente 5 ne'e, insidente 3 envolve estudante ho estudante maka sadik malu no baku malu iha area eskola nian durante tempu aprendizajen, enkuantu insidente 2 seluk komesa ho estudante no estudante sira mak provoca no baku malu, hafoin estudante balun konvida mós membru eis-arte marsiál husi li'ur (la'ós estudante) hodi baku malu no halo barullu iha area eskola nian.


Ezemplu ida husi insidente ne'ebé envolve Estudante liga ho arte marsiál akontese iha lora 9 Juñu 2016, iha Aldeia Zero Um (01), Suku Mascarenhas, Postu Administrativa Vera Cruz, Munisipiu Dili. Insidente ne'ebé akontese iha Eskola Sekundária 04 de Setembru (uluk Eskola Sekundária UNAMET), Balide – Dili ne'e, Estudante sira hatún malu no hadau ida seluk nia atributu (Kalung) arte marsiál ida seluk nian no to'o ikus sira halo sparing ka koko forsa ba malu ne'ebé rezulta estudante na'in rua kanek. Insidente ne'e rasik responde husi estudante sira seluk. Polísia Nasionál Timor-Leste (PNTL) no mestre sira mak halo intervensaun hodi akalma problema ne'e. Insidente ne'e rezolve ona tuir dalan família ne'ebé marka prezensa mós husi Amu Pároku Balide no representante husi Ministériu Edukasaun.

Tuir monitorizasaun Sistema Atensaun no Responde Sedu (AtReS), alende insidente 5 ne'ebé iha ligasaun ho arte marsiál ne'ebé envolve estudante sira, iha mós insidente violénsia 4 seluk mak iha relasaun ho arte marsiál, maibé envolve grupu joven sira. Ho nune'e, total insidente violénsia liga ba eis-grupu arte marsiál iha fulan Juñu hamutuk insidente 9. Husi insidente hirak ne'e, 4 akontese iha Munisipiu Dili, enkuantu insidente 2 akontese iha Munisipiu Ermera, 2 akontese iha Manatutu no insidente 1 akontese iha Munisipiu Aileu.


| Totál Insidente Violénsia iha Juñu 2016 | |
|---|------------|
| Munisipiu | Insidente |
| Aileu | 3 |
| Ainaru | 7 |
| Baukau | 12 |
| Bobonaru | 4 |
| Covalima | 5 |
| Dili | 51 |
| Ermera | 12 |
| Lautein | 4 |
| Likisá | 5 |
| Manatutu | 8 |
| Manufahi | 11 |
| Oekusi | 6 |
| Vikeké | 3 |
| Totál | 131 |

KARATERÍSTIKA INCIDENTE


Total Incidente: Junu 2016



Insidente Fatin




Metodu Violensia




Ema Ne'ebe Hahu Violensia Nia Jeneru saida?




Tipu Violensia




Vitima Nia Jeneru Saida?




See Mak Hahu / Halo Violensia?




Hun no Abut Konflitu



See Mak Responde?





ATIVIDADE PREVENSAUN NO RESPONDE BA KONFLITU

Atividade Ne'ebé Hala'o Husi Ekpa Sistema Atensaun no Responde Sedu (AtReS)

- ▶ Belun liu husi programa Atensaun no Responde Sedu (AtReS) halo ona publikasaun relatóriu annual kona-ba "Análize Potensial Konfliktu Timor-Leste". Relatóriu ne'e apresenta bazeia ba monitorizasaun durante tinan ida husi periodu fulan Outubru 2014 to'o Setembru 2015. Relatóriu ne'e hatudu insidente hamutuk 1193, periodu uluk husi Outubru 2013 – Setembru 2014 ho total número insidente 862, Outubru 2012 - Setembru 2013 hamutuk 747. Kalkulu ho indise redusaun bele nota iha mudansa signifikativu loos katak sa'e (agora 1193 – 862 = 331 kompara ho tinan kotuk ho insidente (862 - 747 = 115);
- ▶ ONG Belun nia Jestor AtReS Sr. Laurensius Lein Amir partisipa Treinamentu Insider Mediation iha Chingendael Institute iha Den Haag, Netherlands husi lora 13 to'o 24 Juñu 2016. Treinamentu ne'e ho objetivu hasa'e kapasidade mediator sira iha mundu, liu-liu husi nasaun post konfliktu atu bele fasilita mediasaun no negosiasaun ne'ebé kualidade. Atividade ne'e hetan apoiu husi Target Group UNDP Insider Mediator no partisipante mai husi nasaun 21 inklui Timor-Leste;
- ▶ Atu hamenus insidente no halo prevensaun konfliktu liga ho juventude, Belun liu husi Rede Prevensaun no Responde Konfliktu (RPRK) Postu Administrativa Metinaro, Munisipiu Dili iha lora 17 Juñu 2016 hala'o workshop durante lora 1 kona-ba "Impaktu Konsume Alcohol/Droga ba Saude no Lei Seguransa Roda Viaria iha Metinaro". Workshop hanesan realiza mos iha Postu Administrativu Bazartete, Munisipiu Likisa iha lora 24 Juñu 2014. Orador sira mai husi PRADET, CNJTL no PNTL Diresaun Tranzitu. Atividade ne'e hetan apoiu husi GIZ Peace Fund liu husi SEJD.



Atividade Ne'ebé Hala'o Husi Ekpa Programa Apoiu Polisiamentu Komunitaria (PAPK)

- ▶ PAPK liu husi Konsellu Polisiamentu Komunitaria realiza Tara Bandu iha Suku Uma Tolu, Postu Administrativa Lacluta, Munisipiu Vikeke iha lora 15 Juñu 2016. Tara Bandu ne'e harii relasiona ho krime ne'ebé mosu iha Suku Uma Tolu hanesan ema na'ok sasán, la'en abandona feen no oan no mos joven baku malu. Tara Bandu ne'e, kria mos regulamentu hodi regulariza ema ne'ebé mak halo krime tuir artigu 1-9 Kodigo Penal no regulariza kriminozu sira tuir sansaun ne'ebé hakerek iha regulamentu Tara Bandu nia laran. Atividade ne'e hetan partisipasaun husi Administrador Munisipiu Vikeke, Adjunto Komandante PNTL Munisipiu Vikeke, Diretor Jerál Meu Ambiente, representante Veteranu, Xefe Suku Uma Tolu no Pontu Fokál KPK Suku Uma Tolu.

Atividade Ne'ebé Hala'o Husi Ekpa Mediasaun no Rezolusaun ba Disputa Rai (MRDR)

- ▶ Atu minimiza violensia liga ho disputa rai, programa MRDR realiza treinamentu ba abilidade mediasaun no rezolusaun konfliktu ba Membro Grupu Juventude durante lora 2, husi lora 8 – 9 Juñu 2016 iha Bairro Vila Nova, Postu Administrativa Baukau, Munisipiu Baukau. Treinamentu ne'e realiza tanba koordinasaun no kooperasaun servisu ne'ebé mak di'ak ho Sekretariu Estadu Juventude no Desportu no hetan Apoiu Finanseiru husi GIZ.



KONA-BA REVISTA NE'E

Revista situasaun ne'e relata kona-ba asuntu xave relasiona ho insidente violensia no tendensia konfliktu husi koleasaun dados monitorizasaun liuhosi Sistema Atensaun no Responde Sedu (AtReS), kobre iha Postu Administrativu 43, husi postu Administrativa 65, suku 208 iha Timor-Leste durante Juñu 2016. Belun esforsu atu fahe informasaun ne'ebé up-to-date no serteza ho dados atual. Hanoin katak, bele hetan mudansa situasaun ho lalais husi kontribuisaun dame ita hotu nian. Ami agradese no simu informasaun seluk ne'ebé bele klarifika ka update dados ne'ebé ami iha, liuhosi sistema AtReS.

Marilia Oliveira da Costa, Jestor Sistema AtReS: bylah.belun@gmail.com

Laurensius Lein, Especialista Prevensaun Konfliktu & Polítika: laurensius.belun@gmail.com